

Na osnovu člana 16. stav 3. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23), člana 24. Zakona o ravnopravnosti spolova - Prečišćeni tekst („Službeni glasnik BiH“, broj: 32/10), te člana 5. Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20 i 14/2), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 79. sjednici, održanoj dana 30.04.2025. godine, d o n o s i

R J E Š E N J E

Član 1.

(Sastav Interresorne radne grupe)

Imenuju se članovi Interresorne radne grupe za izradu i praćenje implementacije Gender akcionog plana za osnaživanje ravnopravnosti spolova u Zeničko-dobojskom kantonu za period 2025 - 2028. godina (u daljem tekstu: Radna grupa), i to u sastavu kako slijedi:

1. Selma El Haj Ahmad – predstavnik Ministarstva za rad, socijalnu politiku i izbjeglice;
2. Svjetlana Doko-Mitrović – predstavnik Ministarstva za privredu/gospodarstvo;
3. Dalila Marušić-Čišija – predstavnik Ministarstva za poljoprivredu, šumarstvo i vodoprivredu;
4. Almir Redžić – predstavnik Kantonalne uprave za inspeksijske poslove;
5. Emir Kurtović – predstavnik Ministarstva za pravosuđe i upravu;
6. Ena Džananović – predstavnik Ministarstva zdravstva;
7. Eldin Durmić – predstavnik Ministarstva za obrazovanje, nauku, kulturu i sport;
8. Suad Orlić – predstavnik Ministarstva unutrašnjih poslova;
9. Vildana Halilović – predstavnik Ministarstva za prostorno uređenje, promet i komunikacije i zaštitu okoline;
10. Ivana Jukić – predstavnik Ministarstva finansija;
11. Amra Nikšić – predstavnik Ministarstva za boračka pitanja;
12. Meliha Sendić – predstavnik Centra ženskih prava i
13. Ermin Mandžuka – predstavnik Mreže vijeća učenika u BiH.

Član 2.

(Administrativno tehnički poslovi)

Administrativno tehničke poslove za potrebe rada Radne grupe iz člana 1. ovog rješenja obavljat će Muhamed Pašalić, zaposlen u Ministarstvu za rad, socijalnu politiku i izbjeglice.

Član 3. **(Mandat Radne grupe)**

Radna grupa se imenuje na mandatni period od 4 (četiri) godine, počevši od dana stupanja na snagu ovog rješenja.

Član 4. **(Zadatak Radne grupe)**

Zadatak Radne grupe iz člana 1. ovog rješenja je da, u skladu s međunarodnim, državnim i kantonalnim obavezama, izradi Gender akcioni plan za područje Zeničko-dobojskog kantona, prati njegovu implementaciju, koordinira aktivnosti sa svim relevantnim institucijama, ustanovama i organizacijama uključenim u njegovu implementaciju, te izradi izvještaj o realizaciji mjera i aktivnosti koji dostavlja Vladi Zeničko-dobojskog kantona.

Član 5. **(Rok za izvršenje zadataka)**

(1) Članovi Radne grupe obavezni su izraditi Gender akcioni plan iz člana 4. ovog rješenja najkasnije do kraja decembra 2025. godine, a izvještaj o provedbi istog podnijeti Vladi Zeničko-dobojskog kantona najkasnije do isteka roka od dvije godine od dana izrade plana.

(2) Ostale zadatke iz člana 4. ovog rješenja članovi Radne grupe su u obavezi kontinuirano izvršavati i pratiti za sve vrijeme trajanja perioda na koji su imenovani.

Član 6. **(Sredstva za rad i naknada članova)**

(1) Troškove rada Radne grupe, uključujući održavanje sastanaka, snosi Ministarstvo za rad, socijalnu politiku i izbjeglice.

(2) Članovima Radne grupe pripada pravo na naknadu u neto iznosu od 100,00KM po održanom sastanku, pod uslovom da je u toku mjeseca održan najmanje jedan sastanak i da se rad obavlja izvan redovnog radnog vremena.

(3) Osobi zaduženoj za administrativno-tehničke poslove pripada naknada u visini od 70% naknade koja je utvrđena za jednog člana Radne grupe.

(4) Sredstva za rad Komisije isplatit će se iz Budžeta Zeničko-dobojskog kantona sa razdjela 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 613900, pozicija „Ugovorene i druge posebne usluge”, na račune imenovanih navedene u zahtjevu za isplatu.

Član 7.
(Stupanje na snagu)

Rješenje stupa na snagu danom donošenja i objavljuje se u “Službenim novinama Zeničko-dobojskog kantona”.

Broj: 02-31-8933/25

Datum, 30.04.2025. godine
Zenica

PREMIJER
po ovlaštenju

Dženana Čišija

DOSTAVLJENO:

- 1x Ministarstvo za rad, socijalnu politiku i izbjeglice,
- 1x Ministarstvo za privredu/gospodarstvo,
- 1x Ministarstvo za poljoprivredu, šumarstvo i vodoprivredu,
- 1x Ministarstvo za pravosuđe i upravu,
- 1x Ministarstvo zdravstva,
- 1x Ministarstvo za obrazovanje, nauku, kulturu i sport,
- 1x Ministarstvo unutrašnjih poslova,
- 1x Ministarstvo za prostorno uređenje, promet i komunikacije i zaštitu okoline,
- 1x Ministarstvo finansija,
- 1x Ministarstvo za boračka pitanja,
- 1x Kantonalna uprava za inspekcijske poslove,
- 1x Centar ženskih prava,
 putem Ministarstva za rad, socijalnu politiku i izbjeglice,
- 1x Mreža vijeća učenika u BiH,
 putem Ministarstva za rad, socijalnu politiku i izbjeglice,
- 1x "Službene novine Zeničko dobojskog kantona",
- 1x a/a.